

尼如是受持尔時世尊說此經已長老舍利弗及餘刹土諸來菩薩天龍八部人非人等開佛所說歡喜奉行

出生無邊門陀羅尼經

知

无邊門十

古

勝幢臂印陀羅尼經

唐三藏法師玄奘奉 詔譯

如是我聞一時薄伽梵在雞羅山頂天仙神宮與大苾芻衆千二百五十人俱及無量無數菩薩摩訶薩毘殊室利跋陀波羅十六大士而為上首并諸天人阿素洛等大梵天王而為上首無量大衆前後圍遶

尔時世尊住正念智為諸大衆說微妙法時大梵王率諸天衆阿素洛等頂禮佛足合掌恭敬住如來前俱白佛言世尊在昔為欲利樂諸有情故求證無上正等菩提悲願熏心成等正覺有大神力具大慈悲何故現見諸有情類墮在地獄餓鬼傍生及人天中受諸劇苦不設善巧方便濟拔唯願哀愍令脫苦難時觀自在亦率無量持呪天仙頂禮佛足合掌恭敬住如來前俱白佛言唯願哀愍諸有情故開示善巧拔苦難法  
尔時世尊告二大士及其眷屬汝等就座吾

今愍念一切有情略說善巧拔苦難法汝應  
諦聽極善思惟有大陀羅尼名勝幢臂印若  
常誦念能滅五逆十惡等罪終不更受諸惡  
趣生及人天中所有劇苦恒受持者現得財  
位於當來世生尊貴家所欲現前受諸快樂  
常值諸佛得宿命念乃至無上正等菩提陀

羅尼曰

知

十五

步

羯洛羯洛 枳利枳利 矩路矩路 薩洛  
薩洛 徒利徒利 速路速路 薩縛佛陀  
婆盧枳諦 達洛達洛 薩縛達摩 路迦  
目契 折洛折洛 薩縛僧伽 地瑟恥諦  
跋洛跋洛 頰泥迦佛陀俱肱婆史諦 廁  
拏廁拏、薩縛羯摩 筏刺拏祢 莫摩薩  
縛 薩埵難遮 薩婆波邪尼 薩縛獨佉  
波捺耶 勃栗吒勃栗吒 達栗吒達栗吒  
捺吒捺吒 羯吒羯吒 颯怖吒邪颯怖吒  
耶 薩婆筏刺拏 婆耶突揭底尼 莎訶  
善男子此勝幢臂印陀羅尼是苑沙等諸佛

共說吾今愍念一切有情因汝等請亦為衆  
說善男子諸佛出世甚為難遇善得人身復  
難於是聞此神呪更復為難若有善男子善  
女人能正受持尚為難得何況書寫精勤誦  
念及勸他人令受持者

善男子我念過去曾於藥師琉璃光勝觀等  
諸佛所聞此神呪受持讀誦正為他說由此  
證得無上菩提是故汝等應隨勤學勸諸有  
情受持讀誦令脫苦難獲勝利樂  
時薄伽梵說此經已曼殊室利菩薩跋陀波  
羅菩薩觀自在菩薩大梵天王及諸天人阿  
素洛等一切大衆聞佛所說皆大歡喜信受  
奉行

勝幢臂印陀羅尼經